

Sel Prestuhn
Henry B. Eyring

Mwet in Kahsrh Se Met ke
Prestuhnsi Se Met



Kuhlwacnsap ac Moul Ma Pahtpaht

Mwet Lahngo pa mwe srihkasrak lasr ke kuhlwacnsap tiac kuhtasrihk. Moul suwohswohs Lal pa oaru in kuhlwacnsapuh Pahpah Lucng ac tuhlihk nuh kwewa nuhtin Pahpah Tuhmwac. Sie sin sie ke srihpac luhn Pahpah ac Wen pa in use nuh sesr nuh kwewa mwe sang luhn moul suhkawihl ac mwe in sewowo ke moul ma pahtpaht (liye Moses 1:39).

In ahkfalye nuh ke moul ma pahtpaht, kuht enenuh in eklac ke Iwacalah luhn Jisus Kraist—sifilpac isuslac ac ahknwacsnwacsyeyucklac liki ma koluk. Tuhlihk srihsrihk suc soenna sun matwac yac oalkosr, tuhsruhktuh, wacngihn ma koluk lalos ac moliyucklac ke Iwacalah (liye Mosiah 3:16, 21; Moroni 8:10–12).

Nuh sesr nuh kwewa suc sun matwac ma kuh in eis mwacta, oasr sie plwacn wolacna ma lwelah kuht in ahknwacsnwacsyeyucklac liki ma koluk ac ahkolah nuh ke moul ma pahtpaht. Ahkolah sac muhtwacwacack ke pacptais ke kuh luhn pristut ac eisyuck luhn Nguhn Muhtahl. Na kuht enenuh in esam Mwet Lahngo pacl nuh kwewa ac karihngihn masap ma El use nuh sesr.

Tohkohsrah Benjamin el fahk nuh sin mwet lal ke Puk luhn Mormon ke engan ma tuhkuh ke puhla nuhnak muhnahs ke ma koluk ke Iwacalah luhn Jisus Kraist. Na el lotwelos lah in kalweni eis nuhnak muhnahs ke ma koluk lalos, elos enenuh in luti tuhlihk nahtuhlos in

kuhlwacnsapuh sie sin sie ac elos enenuh in kuhlwacng ke elos kuh in ahkfalye mwe enenuh luhn mahno ac nguhn luhn mwet siskaclos. (Liye Mosiah 4:11–16.)

Tohkohsrah Benjamin el luti lah ke kuht kuhlwacnsapuh mwet tuhlan lasr, kuht kuhlwacnsapuh God lasr (Liye Mosiah 2:17).

Jisus El forfor luti wosasuc Lal ac oruh ma wo (liye Orekma 10:38). El ahkkweyelah mwet mas. El ahkmoulyeack mwet misac. Ke kuh Lal El kihte mwet tausin ke elos masrinsrwacl ac wacngihn mongo (liye Mattu 14:14–21; John 6:2–13). Tukun Moulyak Lal El sang mongo nuh sin Mwet Sap puhs Lal ke elos fohlohk liki Meoa Galilee (liye John 21:12–13). Fin acn Macrike, El ahkkweyelah mwet mas ac kais sie ahkinsewowoyelah tuhlihk srihsrihk (liye 3 Nephi 17:7–9, 21).

Mwet Sap James el luti kuht lah kena in kuhlwacnsapuh mwet sahyac kuh in tuhkuh fuhkah ke srui lasr ke ma Leum El oruh kacsr:

“Kuhtwena mwet suc arulacna lohacng nuh ke masap wowo suc ahksukohsohkye mwet uh, ac el kwacfeacng in nuhnkuh na kac, ac el tiac lohng muhkwenah ac muhkuhlah, ac el orekmakihn mwet ohinge uh God El ac fah ahkinsewowoye ke ma el oruh. . . .

“Alu pwacye ac nwacsnwacs ye muhtuhn God Pahpah pa inge: in karuhnguwnwacng tuhlihk

muhkahimtacl ac katinmas suc muhta in ongaiyac, ac sifacna liyacacng tuh ma koluk luhn facluh in tiac ahkfohkfohkye kom.” (James 1:25, 27).

Sie mwe ahkwacye lah kom ahknwacsnwacsye-yucklac pa kena yohkwaclihk se in kuhlwacnsapuh mwet sahyac nuh sin Mwet Lahngo. Luti in sucu ac forfor luti uh eklac nuh ke ma engan ac tilac orekma se. Kom konwekomyak sifacna in kahsrh pacl puhs liki na met ah ke acn lutlut kuh kahsrh mwet suhkahsrhp ke mura lom. Finne suhpuhs mani lom in sang nuh sin mwet suhkahsrhp, kom finsrak in oasr mani yohk lom kom in muh kuh in sang yohk (liye Mosiah 4:24). Kom konwekomyak sifacna in kena kuhlwacnsapuh tuhlih nuhtum ac ahkkahlwemye nuh selos ohiyacn kuhlwacnsapuh mwet sahyac uh.

Ke ohiyac lom an eklac uh, kom ac puhla sie kena in kuhlwacnsap yohk liki na met ah ac tiac eis akihlenyuck kac. Nga etuh mwet tuhma lutlut luhn Mwet Lahngo suc sang mwe sang yohk luhn mani ac kuhlwacnsap ke oaru ma wacngihn sie mwet tuhsruhktuh God ac tuhlih nahtuhlos ac fah etuh kac. God El akihlen kuhlwacnsap lalos in ahkinsewowoyaclos ke moul se inge, ac El ac fah ahkinsewowoyaclos ke moul ma pahtpaht ma ac fah tuhkuh (liye Mattu 6:1–4; 3 Nephi 13:1–4).

Ke kom karihngihn masap in kuhlwacnsapuh mwet sahyac (liye Mattu 22:39), kom puhla sie eklac ke puhla luhn inse fuhlwact lom. Mwet Lahngo El ahksuwoshye Mwet Sap Lal ke elos akuhkuhin lah suc selos ac yohk emet inmahsrlolos. El fahk:

“Kowos in tiac pac lwelah mwet uh in pahngon kowos Mwet Kol, mweyen Mwet Kol sefanna lowos uh pa Messiah.

“Enenweyuck tuh el suc fuhlwact emet inmahsrlowos elan mwet kuhlwacnsap lowos” (Mattu 23:10–11).

Mwet Lahngo El luti kuht ohiyac kuht kuh in etwacalah in kuhlwacnsapuh mwet sahyac uh. El kuhlwacnsap suwoswos, ac kuht enenuh in etwacalah in kuhlwacnsap oacna ke El etwacalah—ip nuh ke ip (liye D&C 93:12–13). Nuh ke kuhlwacnsap ma kuht sang, kuht kuh in oruh oacna El yohk likina met ah. Kuht ac pruhe ke kuhiyacn insiyacsr nohfohn in luhngse mwet lokoalok lasr oacna El luhngse elos (liye Mattu 5:43–44; Moroni 7:48). Na kuht kuh in sun ma fal in eis moul ma pahtpaht Yohrohl ac Pahpah tuhmwacsr Inkuhsrao.

Nga olwelah tuh kuht kuh in kuhlwacnsap wo liki na met ah ke kuht ukwe mwe luti ac srihkasrak luhn Mwet Lahngo.

LUTI KE PWENG SE INGE

Elder M. Russell Ballard ke U luhn Mwet Sap Singucul Luo el kwacfe kuht in pruhe ke pacl wo in kuhlwacnsap: “Ke pruhe in lututacng lom ke kais sie lwen sasuc, siyuck Pahpah Lucng Elan kol kom in akihlen pacl wo se in kuhlwacnsapuh sie sin tuhlih sacohk Nahtuhl. Na ahkwot ke lwen uh . . . in sukok mwet kom in kahsrh” (“Be Anxiously Engaged,” *Ensign* kuh *Liahona*, Noh-fuhmpuh 2012, 31). Motko in suli elos suc kom luti in orwacalah finsrak yohk in pruhe ke kais sie lututacng nuh kwewa nuh ke pacl wowo in kuhlwacnsapuh ac na sokolosyak ke lwen uh.

MWET FUHSR

Top se nuh ke Pruhe Lal

Sel Siphilile Khumalo

Sie fong ah kawuck se ke siepacna luhlahlfongi tuhkuh in muhtwacta yuruk. Nga kwacna muhkwenalutlut ke ma suhmuhslah uh, ac nga eslah nuh sahyac in lutlutkihn ke fong sac. Pihrihkyuck nga in solwac in wi lutlut ke ma suhmuhslah nuhtihk, tuhsruhktuh nga sahnngweng ac muhtwacwacack sifacna lutlut. Nga etuh lah nga sirangkaoi pihrihkyuck se luhn Nguhn. Tukun minit ekahsr nga okak in siyuck, “Kom ke wiyuc lutlut ke ma suhmuhslah uh?” El tiac tahfuh luu in topuk, “Ahok.”

Na kuht rit ke Puk luhn Mormon. El siyuck sihk ke kuhtuh kihsen siyuck ah, ac nga kuh in puhla Nguhn kolyuc ke nga topuk. Nga fahkwack luhlahlfongi luhk ke ma pwacye luhn Puk luhn Mormon. Tukun nga oruh ma inge, el fahk nuh sihk, “Nga tuhng ac sahnngweng ke lwen fohn se. Nga tuhfhahna pruhe nuh sin God ke kahsrh ke kom siyuck nga in wi kom riti ma suhmuhslah uh. Nga puhla wo likina met ah ingena. Kom kuloh.”

Leum El orekmakihnyuc oa sie kuhfa in topuk pruhe ac kuhlwacnsapuh sie sin tuhlih Nahtuhl suc enenuh. Nga etuh lah pihrihkyuck uh pa mwe kahsrh lucng sin Pahpah lahlmwetmwet, ac wolacna se. Ke kuht eslah mwe sahnngweng lasr, kuht lwelah Elan ahkkahlwemye kuh Lal nuh ke ahkostwen lasr uh.

Mwet sihm uh muhta fin acn Gauteng, South Africa.

Suk ke Inkacnek in Kuhlwacnsap

Kom kuh in sulaclah in ukwe Jisus Kraist ac kuh-
lhwacnsapuh mwet sahyac. Srolwacnah petsac se
keim sifacna kuhlhwacnsapuh mempucr kuh kawuck se
ac fihliyac petsac an ke acn se ma ac kuh in ahkacsmah-
kihnye kom in kuhlhwacng ke kais sie lwen.

© 2014 sel Intellectual Reserve, Inc. Kuh ac suwohs nuh kwewa fihliyucki.
Sihmlac fin acn USA. Ahkkweyeyucklac ke kahs English: 6/13. Ahkkweyeyucklac ke lweng: 6/13. Lwenglah luhn *First Presidency Message, March 2014*. Kosraean. 10863 868



Misin Wolacna luhn Jisus Kraist: Kahlwem luhn Facluh

Luhlalfongi, Sucu, Kahsruh

Pruhe in lutlutkihn kuhfa inge ac suk in etuh ma in akacsruhi kac. Etuh moul se ac misin luhn Muwet Lahngo ac ahkyohkye fuhkah luhlalfongi lom Kacl ac ahkinsewowoye mwet kom liyacacng ke forfor luti uh? Nuh ke kuhtuh pac ma in etuh, som nuh ke reliefsociety.lds.org.

Pa inge ip se ke Pweng ke Forfor Luti ma ahkkahlwemye ke ma nuh kwewa ke misin luhn Muwet Lahngo.

Ke kuht muhtwacwacack in kahlwem kac lah Jisus Kraist pa Kahlwem luhn Facluh, kuht ac ahkyohkye luhlalfongi lasr Sel ac oruh kahlwem se nuh sin mwet sahyac. Kraist El fahkwack ke srihpac Lal ke kahlwem pwacye ma ahkkahlwemye mwet nuh kwewa suc tuhkuh nuh facluh (liye D&C 93:2) ac siyuck lah kuht sruok kahlwem Lal tuh in kuh in tohlwack facluh (3 Nephi 18:24).

Mwet pahluh lasr elos oacyacpac fahkwack ke Kahlwem luhn Kraist. Prestuhn Henry B. Eyring, Mwet in Kahsruh Se Met ke Prestuhnsi Se Met, el fahk: “Kais sie pacl kom sulwacalah in moul yohk likina met ah in oacna Mwet Lahngo, fahkwack luhlalfongi lom ac fah ahkfokoko-yeyucklac. In pacl kom ac fah sifacna etwacack lah El pa Kahlwem luhn Facluh. . . . Kom ac fah ahkkahlwemye nuh sin mwet sahyac ke Kahlwem luhn Kraist ke moul lom an.”¹

Elder Quentin L. Cook ke U luhn Mwet Sap Singucul Luo el fahk lah ma inge ke kuht pa kahlwem nuh

ke facluh: “Kuht enenuh in tuhkweni karihngihn sucu lasr ac muhta met yurun mwet nuh kwewa ma wo in oruh ma nuh kwewa kuht kuh in karuhnguhnwacng kahlwem, finsrak, ac nwacsnwacs ke acn lasr uh.”²

Ke Ma Suhmuhsrah uh

John 8:12; Doctrine and Covenants 50:24; 115:5

Ke Sramsram Mahtuh Lasr

Muhtwacn Luhlalfongi ke Lwen-sahflah mihsenge uh tafhwelah in kohlwack kahlwem lalos.

Ke tweek ahk 80 ke lohm-loes fin acn Hong Kong, China, sie tahmtahel suhkahpahs ke mahno—Mwet Luhlalfongi ke Lwen-sahflah muhkwenena ke sucu lal— orwacalah lohm mihsalac se ma el ac mwet muhtwacta kuh in puhla kolyuck luhn Nguhn. El fihliyac ma suhmuhsrah, puk in luti lal ke Rilif Sosaiti, ac puk in on nahtuhl fototo nuh yohrohl. El som nuh ke tempuhl in oruh akwuck ke mwet mahtuh lal.³

Fin acn Brazil sie ninac suwohs el tuhlahlah tuhlihk nahtuhl ke kahlwem luhn wosasuc. On ke U

luhn Tuhlihk Srihsrihk wohnwe-lah lohm puhlak sruhsrah se sel ah, ac petsac luhn tempuhl, mwet pahluh luhn God, ac Mwet Lahngo ke *Liahona*, afohnlah pihsinkac ah. El ac mukul tuhmwacl kihsackuhnlah in siliyucki ke tempuhl tuh tuhlihk nahtuhlos in muh kuh in isuslac nuh ke olweacng. Pruhe pacl nuh kwewa lal pa tuh Leum Elan kahsrwel in tuhlahlah tuhlihk nahtuhl ke kahlwem, ma pwacye, ac kuh luhn wosasuc.⁴

MWE KAHSRUH

1. Henry B. Eyring, “A Living Testimony,” *Ensign* kuh *Liahona*, Mei 2011, 128.
2. Quentin L. Cook, “Let There Be Light!” *Ensign* kuh *Liahona*, Nohfuhmpuh 2010, 30.
3. Liye *Daughters in My Kingdom: The History and Work of Relief Society* (2011), 163–64.
4. Liye *Daughters in My Kingdom*, 164.

Meac Nga Kuh In Oruh Uh?

1. Sramsramkihn lah meac kal-mac in sie kahlwem nuh facluh mihsenge.
2. Motko ke ohiyac in ukwe kahlwem luhn Kraist in kahsrwe kom in muhtweng ke ma upac an.